

服部文庫
117
186
/



117
186
1

禮記集說序

前聖繼天立極之道莫大於禮後聖
垂世立教之書亦莫先於禮禮儀三
百威儀三千孰非精神心術之所寓
故能與天地同其節四代損益世遠
經殘其講不可得聞矣儀禮十七篇
戴記四十九篇先儒表章庸學遂為
千萬世道學之淵源其四十七篇之

服部
綴以

文雖純駁不同然義之淺深同異誠未易言也鄭氏祖讖緯孔疏惟鄭之從雖有他說不復收載固爲可恨然其灼然可據者不可易也近世應氏集解於雜記大小記等篇皆闕而不釋噫慎終追遠其於人倫世道非細故而可略哉先君子師事雙峰先生十有四年以是經三領鄉書爲開

關

慶名進士所得於師門講論甚多中雁煨燼隻字不遺不肖孤僭不自量會萃衍繹而附以臆見之言名曰禮記集說蓋欲以坦明之說使初學讀之卽了其義庶幾章句通則經奧自見正不必高爲議論而卑視訓故之辭也書成甚欲就正于四方有道之士而衰年多疾遊歷良艱姑藏巾笥

以俟來哲

治教方興知禮者或有取焉亦愚者
千慮之一爾至治壬戌良月既望後
學東匯澤陳澔序

禮記篇目

曲禮上第一

曲禮下第二

檀弓上第三

檀弓下第四

玉制第五

月令第六

曾子問第七

文王世子第八

禮運第九

禮器第十

郊特牲第十一

內則第十二

玉藻第十三

明堂位第十四

禮目
喪服小記第十五

大傳第十六

少儀第十七

學記第十八

樂記第十九

雜記上第二十

雜記下第二十一

喪大記第二十二

祭法第二十三

祭義第二十四

祭統第二十五

經解第二十六

哀公問第二十七

仲尼燕居二十八

孔子間居第二十九

坊記第三十

中庸第三十一

朱子章句

表記第三十二

緇衣第三十三

奔喪第三十四

問喪第三十五

服問第三十六

間傳第三十七

三年問第三十八

深衣第三十九

投壺第四十

儒行第四十一

大學四十二

朱子章句

冠義第四十三

昏義第四十四

鄉飲酒義第四十五


射義第四十六

禮目
燕義第四十七

聘義第四十八

喪服四制第四十九

目錄終



禮記

曲禮上第一

曲禮曰毋不敬儼若思安定辭安民哉○敖不可長欲不可從志不可滿樂不可極○賢者狎而敬之畏而愛之愛而知其惡憎而知其善積而能散安安而能遷○臨財毋苟得臨難毋苟免狠毋求勝分毋求多○疑事毋質直而勿有○若夫坐如尸立如齊○禮從宜使從俗○夫

禮者所以定親疏決嫌疑別同異明是非也。○
禮不妄說人不辭費。○禮不踰節不侵侮不好
狎。○脩身踐言謂之善行行脩言道禮之質也。
○禮聞取於人不聞取人禮聞來學不聞往教。
○道德仁義非禮不成。○教訓正俗非禮不備。
○分爭訟非禮不決。○君臣上下父子兄弟
非禮不定。○官學事師非禮不親。○班朝治軍
涖宦行法非禮威嚴不行。○禱祠祭祀供給鬼

神非禮不誠不莊。○是以君子恭敬樽節退讓
以明禮。○鸚鵡能言不離飛鳥猩猩能言不離
禽獸今人而無禮雖能言不亦禽獸之心乎夫
惟禽獸無禮故父子聚麀。○是故聖人作為禮
以教人使人以有禮知自別於禽獸。○大上貴
德其次務施報禮尚往來往而不來非禮也來
而不往亦非禮也。○人有禮則安無禮則危故
曰禮者不可不學也。○夫禮者自卑而尊人雖

負販者必有尊也而況富貴乎。○富貴而知好禮則不驕不淫貧賤而知好禮則志不厲。○人生十年曰幼學二十曰弱冠三十曰壯有室四十曰強而仕五十曰艾服官政六十曰耆指使七十曰老而傳八十九十曰耄七年曰悼悼與老雖有罪不加刑焉百年曰期頤。○大夫七十而致事。○若不得謝則必賜之几杖。○行役以婦人適四方乘安車。○自稱曰老夫於其國則稱名。○越國而問焉必告之以其制。○謀於長者必操几杖以從之。○長者問不辭讓而對非禮也。○凡為人子之禮冬溫而夏清昏定而晨省在醜夷不爭。○夫為人子者三賜不及車馬故州閭鄉黨稱其孝也兄弟親戚稱其慈也僚友稱其弟也執友稱其仁也交遊稱其信也。○見父之執不謂之進不敢進不謂之退不敢退不問不敢對此孝子之行也。○夫為人子者出必

禮

曲

禮

禮

告反必面所遊必有常所習必有業。○恆言不
稱老。○年長以倍則父事之。十年以長則兄事
之。五年以長則肩隨之。○羣居五人則長者必
異席。○為人子者居不主與坐不中席行不中
道立不中門。○食饗不爲槃。○祭祀不爲尸。○
聽於無聲視於無形。○不登高不臨深不苟嘗
不苟笑孝子不服闇不登危懼辱親也。○父母
存不許友以死不有私財。○爲人子者父母存

冠衣不純素。○孤子當室冠衣不純采。○幼子
常視毋誑。○童子不衣裘裳立必正方不傾聽。
○長者與之提攜則兩手奉長者之手負劍辟
珥詔之則掩口而對。○從於先生不越路而與
人言遭先生於道趨而進正立拱手先生與之
言則對不與之言則趨而退。○從長者而上丘
陵則必鄉長者所視登城不指城上不呼。○將
適舍求毋固。○將上堂聲必揚戶外有二屨言

聞則入言不聞則不入。將入戶視必下。入戶
 奉宿視瞻毋向戶。開亦開戶闔亦闔。有後入者
 闔而勿遂。毋踐屨毋踏席。掘衣趨隅必慎。唯
 諾。大夫士出入君門由闌右不踐闕。凡與
 客入者無所讓於客。客至於寢門則主人請入
 為席然後出迎。客固辭主人肅客而入。主
 人入門而右。客入門而左。主人就東階客就西
 階。客若降等則就主人之階。主人固辭然後客
 復就西階。主人與客讓登。主人先登客從之。
 拾級聚足。連步以上。上於東階則先右足。上於
 西階則先左足。帷薄之外不趨。堂上不趨。執
 玉不趨。堂上接武。堂下布武。室中不翔。竝坐
 不橫肱。授立不跪。授坐不立。凡為長者糞之
 禮必加帚於箕上。以袂拘而退。其塵不及長者。
 以箕自鄉而扱之。奉席如橋衡。請席何鄉
 請在何趾。席南鄉北鄉。以西方為上。東鄉西

鄉以南方為上○若非飲食之客則布席席間

函丈○主人跪正席客跪撫席而辭客徹重席

主人固辭客踐席乃坐○主人不問客不先舉

將即席容毋作兩手摳衣去齊尺衣毋撥足

毋蹶○先生書策琴瑟在前坐而遷之戒勿越

虛坐盡後食坐盡前坐必安執爾顏長者不

及毋僂言○正爾容聽必恭毋勦說毋雷同必

則古昔稱先王○侍坐於先生先生問焉終則

對○請業則起請益則起○父召無諾先生召

無諾唯而起○侍坐於所尊敬無餘席見同等

不起○燭至起食至起上客起○燭不見跋○

尊客之前不叱狗○讓食不唾○侍坐於君子

君子欠伸撰杖履視日蚤莫侍坐者請出矣○

侍坐於君子君子問更端則起而對○侍坐於

君子若有告者曰少間願有復也則左右屏而

待○毋側聽毋噉應毋淫視毋怠荒○遊毋倨

立毋跛坐毋箕寢毋伏○歛髮毋鬢○冠毋免
勞毋袒暑毋褰裳○侍坐於長者屨不上於堂
解屨不敢當階○就屨跪而舉之屏於側○鄉
長者而屨跪而遷屨俯而納屨○離坐離立毋
往參焉離立者不出中間○男女不雜坐不同
施柳不同巾櫛不親授○娉叔不通問諸母不
漱裳○外言不入於梱內言不出於梱○女子
許嫁纓非有大故不入其門○姑姊妹女子子
已嫁而反兄弟弗與同席而坐弗與同器而食
○父子不同席○男女非有行媒不相知名非
受幣不交不親○故日月以告君齊戒以告鬼
神為酒食以召鄉黨僚友以厚其別也○取妻
不取同姓○故買妾不知其姓則卜之○寡婦
之子非有見焉弗與為友○賀取妻者曰某子
使某聞子有客使某羞○貧者不以貨財為禮
老者不以筋力為禮○名子者不以國不以日

月不以隱疾不以山川。○男女異長。○男子二十冠而字。○父前子名君前臣名。○女子許嫁笄而字。○凡進食之禮左殺右馘。食居人之左羹居人之右。膾炙處外醢醬處內葱蒜處末酒醬處右以脯脩置者左胸右末。○客若降等執食與辭主人興辭於客然後客坐。○主人延客祭祭食祭所先進。般之序徧祭之。○三飯主人延客食馘然後辭。○主人未辭客不虛口。○

侍食於長者主人親饋則拜而食主人不親饋則不拜而食。○共食不飽共飯不澤手。○毋博飯毋放飯毋流歎。○毋啗食毋齧骨毋及魚肉毋投與狗骨毋固獲。○毋揚飯飯黍毋以箸。○毋嚙羹毋絮羹毋刺齒毋歎醢客絮羹主人辭不能亨。客歎醢主人辭以實。○濡肉齒決乾肉不齒決毋啜炙。○卒食客自前跪徹飯齊以授相者主人興辭於客然後客坐。○侍飲於長者

酒進則起拜受於尊所長者辭少者反席而飲
 長者舉未酬少者不敢飲○長者賜少者賤者
 不敢辭○賜果於君前其有核者懷其核○御
 食於君君賜餘器之既者不寫其餘皆寫○餽
 餘不祭父不祭子夫不祭妻○御同於長者雖
 貳不辭偶坐不辭○羹之有菜者用挾其無菜
 者不用挾○為天子削瓜者副之巾以緇為國
 君者華之巾以給為大夫累之士裏之庶人齒

之○父母有疾冠者不擲行不翔言不惰琴瑟
 不御食肉不至變味飲酒不至變貌笑不至矧
 怒不至詈疾止復故○有憂者側席而坐有喪
 者專席而坐○水潦降不獻魚鼈○獻鳥者佛
 其首畜鳥者則勿佛也○獻車馬者執策綏○
 獻甲者執冑獻杖者執末○獻民虜者操右袂
 ○獻粟者執右契獻米者操量鼓○獻熟食者
 操醬齊○獻田宅者操書致○凡遺人弓者張

弓尚筋弛弓尚角右手執簫左手承射尊卑垂
悅若主人拜則客還辟辟拜○主人自受由客
之左接下承射鄉與客並然後受○進劍者左
首○進戈者前其鏃後其刃○進矛戟者前其
鏃○進几杖者拂之○效馬效羊者右牽之○
效犬者左牽之○執禽者左首○飾羔鴈者以
績○受珠玉者以掬○受弓劍者以袂○飲玉
爵者弗揮○凡以弓劍苞苴篋筥問人者操以
受命如使之容○凡為君使者已受命君言不
宿於家○君言至則主人出拜君言之辱使者
歸則必拜送于門外○若使人於君所則必朝
服而命之使者反則必下堂而受命○博聞強
識而讓敦善行而不怠謂之君子○君子不盡
人之歡不竭人之忠以全交也○禮曰君子抱
孫不抱子此言孫可以為王父尸子不可以為
父尸為君尸者大夫士見之則下之君知所以

爲尸者則自阜之尸必式乘必以几○齊者不
樂不弔○居喪之禮毀瘠不形視聽不衰升降
不由阼階出入不當門隧○居喪之禮頭有創
則沐身有瘍則浴有疾則飲酒食肉疾止復初
不勝喪乃比於不慈不孝○五十不致毀六十
不毀七十唯衰麻在身飲酒食肉處於內○生
與來日死與往日○知生者弔知死者傷知生
而不知死弔而不傷知死而不知生傷而不弔
○弔喪弗能賻不問其所費問疾弗能遺不問
其所欲見人弗能館不問其所舍○賜人者不
曰來取與人者不問其所欲○適墓不登壟助
葬必執紼○臨喪不笑○揖人必違其位○望
柩不歌入臨不翔當食不歎○鄰有喪春不相
○里有殯不巷歌適墓不歌哭日不歌○送喪
不由徑送葬不辟塗潦臨喪則必有哀色執紼
不笑○臨樂不歎○介冑則有不可犯之色故

結音勅反

君子戒慎不失色於人。○國君撫式大夫下之

大夫撫式士下之禮不下庶人。○刑不上大夫

○刑人不在君側。○兵車不式武車後旌德車

結旌。○史載筆士載言。○前有水則載青旌。○

前有塵埃則載鳴鳶。○前有車騎則載飛鴻。○

前有士師則載虎皮。○前有擊獸則載貔貅。○

行前朱鳥而後玄武左青龍而右白虎招搖在

上急繕其怒。○進退有度左右有局各司其局

○父之讎弗與共戴天兄弟之讎不及兵交遊

之讎不同國。○四郊多壘此卿大夫之辱也地

廣大荒而不治此亦士之辱也。○臨祭不惜祭

服敝則焚之祭器敝則埋之龜筮敝則埋之牲

死則埋之。○凡祭於公者必自徹其俎。○卒哭

乃諱禮不諱嫌名二名不偏諱。○逮事父母則

諱王父母不逮事父母則不諱王父母。○君所

無私諱大夫之所有公諱。○詩書不諱臨文不

禮一

曲

天

所及

諱○廟中不諱○夫人之諱雖質者之前臣不諱也婦諱不出門大功小功不諱○入竟而問禁入國而問俗入門而問諱○外事以剛日內事以柔日○凡卜筮日旬之外曰遠某日旬之內曰近某日○喪事先遠日吉事先近日○曰為日假爾泰龜有常假爾泰筮有常卜筮不過三卜筮不相襲○龜為卜筮為筮卜筮者先聖王之所以使民信時日敬鬼神畏法令也所以使民決嫌疑定猶與也故曰疑而筮之則弗非也日而行事則必踐之○君車將駕則僕執策立於馬前○已駕僕展軫效駕○奮衣由右上取貳綏跪乘○執策分轡驅之○五步而立○君出就車則僕并轡授綏左右攘辟○車驅而騶至于大門君撫僕之手而顧命車右就車門閭溝渠必步○凡僕人之禮必授人綏若僕者降等則受不然則否○若僕者降等則撫僕之手不

然則自下拘之。○客車不入大門。婦人不立。乘
 犬馬不上於堂。○故君子式黃髮下。卿位入國
 不馳入里必式。○君命召雖賤人大夫士必自
 御之。○介者不拜為其拜而獲拜。○祥車曠左
 乘君之乘車不敢曠左左必式。○僕御婦人則
 進左手後右手。○御國君則進右手後左手而
 俯。○國君不乘奇車車上不廢歎不妄指。○立
 視五雉式視馬尾顧不過轂。○國中以策警邱
 勿驅塵不出軌。○國君下齊牛式宗廟大夫士
 下公門式路馬。○乘路馬必朝服載韉策不敢
 授綏左必式。○步路馬必中道以足蹙路馬芻
 有誅齒路馬有誅

曲禮下第二

凡奉者當心提者當帶。○執天子之器則上衡
 國君則平衡大夫則綏之士則提之。○凡執主
 器執輕如不克執主器操幣圭璧則尚左手行

畢

不舉足車輪曳踵。立則磬折垂佩。主佩倚則

臣佩垂。主佩垂則臣佩委。執玉其有藉者則

視無藉者則襲。國君不名卿老世婦大夫不

名世臣姪婦士不名家相長妾。君大夫之子

不敢自稱曰余小子。大夫士之子不敢自稱曰

嗣子。其不敢與世子同名。君使士射不能則

辭以疾言曰。其有負薪之憂。侍於君子不顧

里而對非禮也。君子行禮不求變俗。祭祀之

禮君啓之服。哭泣之位皆如其國之故。謹脩其

法而審行之。去國三世爵祿有列於朝。出入

有詔於國。若兄弟宗族猶存則反告於宗。後去

國三世爵祿無列於朝。出入無詔於國。唯興之

日從新國之法。君子已孤不更名。已孤暴

貴不為父作諡。居喪未葬讀喪禮。既葬讀祭

禮。喪復常讀樂章。居喪不言樂祭事。不言凶。公

庭不言婦女。振書端書於君前。有誅倒筴側

禮一

曲下

九

行及

龜於君前有誅。○龜筮。凡杖席蓋重素衫絺綌。不入公門。○苞屨。扱社厭冠。不入公門。○書方衰凶器。不以告。不入公門。○公事。不私議。○君子將營宮室。宗廟為先。廡庫為次。居室為後。○凡家造祭器。為先。犧賦為次。養器為後。○無田祿者。不設祭器。有田祿者。先為祭服。君子雖貧。不粥祭器。雖寒。不衣祭服。為宮室。不斬於丘木。○大夫士去國。祭器不踰竟。大夫寓祭器於大

夫士寓祭器於士。○大夫士去國。踰竟為壇。位鄉國而哭。素衣素裳。素冠徹緣。屨素絰。乘髦馬。不蚤鬪。不祭。食不說。人以無罪。婦人不當御。三月而復服。○大夫士見於國君。君若勞之。則還辟。再拜稽首。○君若迎拜。則還辟。不敢答拜。○大夫士相見。雖貴賤不敵。主人敬客。則先拜。客客敬主人。則先拜主人。○凡非弔喪。非見國君。無不答拜者。○大夫見於國君。國君拜其辱。

士見於大夫。大夫拜其辱。同國始相見。主人拜其辱。君於士不答拜也。非其臣則答拜之。大夫於其臣雖賤必答拜之。男女相答拜也。國君春田不圍澤。大夫不掩羣。士不取麇卵。歲凶年穀不登。君膳不祭肺。馬不食穀。軌道不除。祭事不縣。大夫不食梁。士飲酒不樂。君無故玉不去身。大夫無故不徹縣。士無故不徹琴瑟。○士有獻於國君。他日君問之曰。安。以彼再

拜稽首而后對。○大夫私行出疆必請友。必有獻。士私行出疆必請友。必告君。勞之則拜。問其行拜而后對。○國君去其國止之曰。奈何去社稷也。大夫曰。奈何去宗廟也。士曰。奈何去墳墓也。國君死。社稷大夫死。眾士死。制。○君天下曰天子。朝諸侯。分職。授政。任功。曰予一人。○踐阼臨祭祀。內事曰孝王。某。外事曰嗣王。某。○臨諸侯。於鬼神曰有天王。某甫。○崩曰天王崩。復

禮記卷之九

曲下

竹板

曰天子復矣告喪曰天主登假措之廟立之主
曰帝○天子未除喪曰子小子生名之死亦名
之○天子有后有夫人有世婦有嬪有妻有妾
○天子建天官先六大曰大宰大史大祝
大士大卜典司六典○天子之五官曰司徒司
馬司空司士司寇典司五衆○天子之六府曰
司土司木司水司州司器司貨典司六職○天
子之六工曰土工金工石工木工獸工州工與
制六材○五官致貢曰享○五官之長曰伯是
職方其擯於天子也曰天子之吏天子同姓謂
之伯父異姓謂之伯舅自稱於諸侯曰天子之
老於外曰公於其國曰君○九州之長入天子
之國曰牧天子同姓謂之叔父異姓謂之叔舅
於外曰侯於其國曰君○其在東夷北狄西戎
南蠻雖大曰子於內自稱曰不穀於外自稱曰
王老○庶方小侯入天子之國曰某人於外曰

子自稱曰孤。○天子當褒而立諸侯北面而見。天子曰觀天子當寧而立諸公東面諸侯西面。曰朝。○諸侯未及期相見曰遇相見於郤地曰會。○諸侯使大夫問於諸侯曰聘。○約信曰誓。○涖牲曰盟。○諸侯見天子曰臣某侯某其與民言自稱曰寡人其在凶服曰適子孤。○臨祭祀內事曰孝子某侯某外事曰曾孫某侯某死曰薨復曰某甫復矣。○既葬見天子曰類見言諡曰類。○諸侯使人使於諸侯使者自稱曰寡君之老。○天子穆穆諸侯皞皞皇皇大夫濟濟士路路庶人僬僬。○天子之妃曰后諸侯曰夫人大夫曰孺人士曰婦人庶人曰妻。○公侯有夫人有世婦有妻有妾夫人自稱於天子曰老婦。○自稱於諸侯曰寡小君。○自稱於其君曰小童。○自世婦以下自稱曰婢子。○子於父母則自名也。○列國之大夫入天子之國曰某士自稱曰陪。

臣某於外曰予於其國曰寡君之老使者自稱
曰某○天子不言出諸侯不生名君子不親惡
諸侯失地名滅同姓名○為人臣之禮不顯諫
三諫而不聽則逃之○子之事親也三諫而不
聽則號泣而隨之○君有疾飲藥臣先嘗之親
有疾飲藥子先嘗之醫不三世不服其藥○餼
人必於其倫○問天子之年對曰聞之始服衣
若干尺矣○問國君之年長曰能從宗廟社稷
之事矣幼曰未能從宗廟社稷之事也○問大
夫之子長曰能御矣幼曰未能御也○問士之
子長曰能典謁矣幼曰未能典謁也○問庶人
之子長曰能負薪矣幼曰未能負薪也○問國
君之富數地以對○山澤之所出○問大夫之富
曰有宰食力祭器衣服不假○問士之富以車
數對○問庶人之富數畜以對○天子祭天地
祭四方祭山川祭五祀歲徧諸侯方祀祭山川

禮一

曲下

禮

禮

祭五祀歲徧大夫祭五祀歲徧士祭其先○凡祭有其廢之莫敢舉也有其舉之莫敢廢也非其所祭而祭之名曰淫祀淫祀無福○天子以犧牛諸侯以肥牛大夫以索牛士以羊豕○支子不祭祭必告于宗子○凡祭宗廟之禮牛曰一元大武○豕曰剛鬣○豚曰脂肥○羊曰柔毛○雞曰翰音○犬曰羹獻○雉曰疏趾○兔曰明視○脯曰尹祭○橐魚曰商祭○鮮魚曰脰祭○水曰清滌○酒曰清酌○黍曰鄉合○梁曰鄉其○稷曰明粢○稻曰嘉蔬○韭曰豐本○鹽曰鹹鹺○玉曰嘉玉○幣曰量幣○天子死曰崩諸侯曰薨大夫曰卒士曰不祿庶人曰死在牀曰尸在棺曰柩羽鳥曰降四足曰漬死寇曰兵○祭王父曰皇祖考王母曰皇祖妣父曰皇考母曰皇妣夫曰皇辟○生日父曰母曰妻死曰考曰妣曰嬪壽考曰卒短折曰不祿

○天子視不上於袷不下於帶國君視大夫

衡視士視五步○凡視上於面則教下於帶則

憂傾則姦○君命大夫與士肄在官言官在府

言府在庫言庫在朝言朝○朝言不及犬馬○

輟朝而顧不有異事必有異慮故輟朝而顧君

子謂之固○在朝言禮問禮對以禮○大饗不

問卜不饒富○凡摯天子也諸侯主卿羔大夫

鴈士雉庶人之摯匹童子豕摯而退野外軍中

無摯以纓拾矢可也○婦人之摯棊棊脯脩棗

栗○納女於天子曰備百姓於國君曰備酒漿

於大夫曰備掃灑

檀弓上第三

公儀仲子之喪檀弓免為仲子舍其孫而立其

子檀弓曰何居我未之前聞也趨而就子服伯

子於門右○曰仲子舍其孫而立其子何也伯

子曰仲子亦猶行古之道也昔者文王舍伯邑

訓
棊
脯
脩
棗
栗

考而立武王微子舍其孫臚而立衍也夫仲子
亦猶行古之道也子游問諸孔子孔子曰否立
孫○事親有隱而無犯左右就養無方服勤至
死致喪三年事君有犯而無隱左右就養有方
服勤至死方喪三年事師無犯無隱左右就養
無方服勤至死心喪三年○季武子成寢杜氏
之葬在西階之下請合葬焉許之入宮而不敢
哭武子曰合葬非古也自周公以來未之有改
也吾許其大而不可許其細何居命之哭○子上
之母死而不窆門人問諸子思曰昔者子之先
君子窆出母乎曰然子之不使白也窆之何也
子思曰昔者吾先君子無所失道道隆則從而
隆道污則從而污彼則安能為彼也妻者是為
白也母不為彼也妻者是不為白也母故孔氏
之不窆出母自子思始也○孔子曰拜而后稽
顙頌乎其順也稽顙而后拜傾乎其至也三年

之喪吾從其至者。○孔子既得合葬於防，曰：吾聞之古也。墓而不墳，今丘也，東西南北之人也，不可以弗識也。於是封之，崇四尺。○孔子先反，門人後兩，甚至。孔子問焉，曰：爾來何遲也？曰：防墓崩，孔子不應。三孔子泣，然流涕，曰：吾聞之古，不脩墓。○孔子哭于路，於中庭，有人弔者而夫子拜之，既哭，進使者而問，故使者曰：醢之矣。遂命覆醢。○曾子曰：朋友之墓，有宿艸而不哭焉。

○子思曰：啜三日而殯，凡附於身者，必誠必信，勿之有悔焉耳矣。三月而葬，凡附於棺者，必誠必信，勿之有悔焉耳矣。○啜三年以為極，亡則弗之忘矣。故君子有終身之憂，而無一朝之患，故忌日不樂。○孔子少孤，不知其墓，殯於五父之衢，人之見之者，皆以為葬也。其頃也，蓋殯也。問於耶曼父之母，然後得合葬於防。○鄰有窆，春不相，里有殯，不巷歌。○啜冠不緌。○有虞氏

瓦棺夏后氏夏后氏即周殷人棺椁周人牆置娶娶周

人以殷人之棺椁葬長殤以夏后氏之即周葬

中殤下殤以有虞氏之瓦棺葬無服之殤夏

后氏尚黑大事斂用昏戎事乘驪牲用玄殷人

尚白大事斂用日中戎事乘翰牲用白周人尚

赤大事斂用日出戎事乘騂牲用騂穆公之

母卒使人問於曾子白如之何對曰申也聞諸

申之父曰哭泣之哀齊斬之情饋粥之食自天

子達布幕衛也魯也晉獻公將殺其世

子申生公子重耳謂之曰子蓋言子之志於公

乎世子曰不可君安驪姬是我傷公之心也

曰然則盍行乎世子曰不可君謂我欲弑君也

天下豈有無父之國哉吾何行如之使人辭

於狐突曰申生有罪不念伯氏之言也以至于

死申生不敢愛其死雖然吾君老矣子少國家

多難伯氏不出而圖吾君伯氏苟出而圖吾君

申生受賜而死再拜稽首乃卒是以爲恭世子也○魯人有朝祥而莫歌者子路笑之天子曰由爾責於人終無已夫三年之喪亦已久矣夫子路出夫子曰又多乎哉踰月則其善也○魯莊公及宋人戰于乘丘縣賁父御下國爲右馬驚敗績公隊佐車授綬公曰未之下也縣賁父曰他日不敗績而今敗績是無勇也遂死之國人浴馬有流矢在白肉公曰非其罪也遂諫之士之有諫自此始也○曾子寢疾病樂正子春坐於牀下曾元曾申坐於足童子隅坐而執燭○童子曰華而皖大夫之簣與子春曰止曾子聞之瞿然曰呼曰華而皖大夫之簣與曾子曰然斯季孫之賜也我未之能易也元起易簣曾元曰夫子之病革矣不可以變幸而至於且請敬易之曾子曰爾之愛我也不如彼君子之愛人也以德細人之愛人也以姑息吾何求哉吾

人也以德細人之愛人也以姑息吾何求哉吾

得正而斃焉斯已矣。舉扶而易之，反席未安而
沒。○始死充充，如有窳既殯，瞿瞿如有求而弗
得，既葬皇皇如有望而弗至，練而慨然，祥而廓
然。○邾婁復之以矢，蓋自戰於升陘始也。○魯
婦人之髻而弔也，自敗於臺館始也。○南宮縚
之妻之姑之喪，夫子誨之，髻曰：爾毋從從爾
毋扈扈，爾蓋椽以為筭，長尺而總八寸。○孟獻
子禫縣而不樂，比御而不入，夫子曰：獻子加於
人一等矣。○孔子既祥，五日彈琴而不成聲，十
日而成笙歌。有子蓋既祥而絲屨組纓。○死而
不弔者，二喪厭溺。○子路有姊之喪，可以除之
矣而弗除也。孔子曰：何弗除也？子路曰：吾寡兒
弟而弗忍也。孔子曰：先王制禮，行道之人皆弗
忍也。子路聞之遂除之。○太公封於營丘，比及
五世皆反葬於周。君子曰：樂樂其所自生，禮不
忘其本。古之人有言曰：狐死正丘首，仁也。○伯

魚之母死期而猶哭夫子聞之曰誰與哭者門人曰鯉也夫子曰嘻其甚也伯魚聞之遂除之○舜葬於蒼梧之野蓋三妃未之從也季武子曰周公蓋祔○曾子之喪浴於嬰室○大功廢業或曰大功誦可也○子張病名申祥而諶之曰君子曰終小人曰死吾今日其庶幾乎○曾子曰始死之奠其餘閣也與○曾子曰小功不爲位也者是委巷之禮也子思之哭嫂也爲位婦人倡踊申祥之哭言思也亦然○古者冠緇縫今也衡縫故喪冠之反吉非古也○曾子謂子思曰及吾執親之喪也水漿不入於口者七日子思曰先王之制禮也過之者俯而就之不至焉者跂而及之故君子之執親之喪也不漿不入於口者三日杖而后能起○曾子曰小功不稅則是遠兄弟終無服也而可乎○伯高之喪孔氏之使者未至冉子攝束帛乘馬而將之

孔子曰異哉徒使我不誠於伯高○伯高死於
衛赴於孔子孔子曰吾惡乎哭諸兄弟吾哭諸
廟父之友吾哭諸廟門之外師吾哭諸寢朋友
吾哭諸寢門之外所知吾哭諸野於野則已疏
於寢則已重夫由賜也見我吾哭諸賜氏遂命
子貢爲之主曰爲爾哭也來者拜之知伯高而
來者勿拜也○曾子曰喪有疾食肉飲酒必有
州木之滋焉以爲薑桂之謂也○子夏喪其子
而喪其明曾子弔之曰吾聞之也朋友喪明則
哭之曾子哭子夏亦哭曰天平予之無罪也曾
子怒曰商女何無罪也吾與女事夫子於洙泗
之間退而老於西河之上使西河之民疑女於
夫子爾罪一也喪爾親使民未有聞焉爾罪二
也喪爾子喪爾明爾罪三也而曰爾何無罪與
子夏投其杖而拜曰吾過矣吾過矣吾離羣而
索居亦已久矣○夫晝居於內問其疾可也夜

居於外弔之可也是故君子非有大故不宿於外非致齊也非疾也不晝夜居於內○高子臯之執親之喪也泣血三年未嘗見齒君子以為難○衰與其不當物也寧無衰齊衰不以邊坐大功不以服勤○孔子之衛遇舊館人之喪入而哭之哀出使子貢說驂而賻之子貢曰於門人之喪未有所說驂說驂於舊館無乃已重乎夫子曰子鄉者入而哭之遇於一哀而出涕予惡夫涕之無從也小子行之○孔子在衛有送葬者而夫子觀之曰善哉為喪乎足以為法矣小子識之子貢曰夫子何善爾也曰其往也如慕其反也如疑子貢曰豈若速反而虞乎子曰小子識之我未之能行也○顏淵之喪饋祥肉孔子出受之入彈琴而后食之○孔子與門人立拱而尚右二三子亦皆尚右孔子曰二三子之嗜學也我則有姊之喪故也二三子皆尚左

○孔子蚤作負手曳杖消搖於門歌曰泰山其
頽乎梁木其壞乎哲人其萎乎既歌而入當戶
而坐子貢聞之曰泰山其頽則吾將安仰梁木
其壞哲人其萎則吾將安放夫子殆將病也遂
趨而入○夫子曰賜爾來何遲也夏后氏殯於
東階之上則猶在阼也殷人殯於兩楹之間則
與賓主夾之也周人殯於西階之上則猶賓之
也而丘也般人也予疇昔之夜夢坐奠於兩楹
之間夫明王不興而天下其孰能宗予予殆將
死也蓋寢疾七日而沒○孔子之喪兩入疑所
服子貢曰昔者夫子之喪顏淵若喪子而無服
喪子路亦然請喪夫子若喪父而無服○孔子
之喪公西赤爲志焉飾棺槨置槨設披周也設
崇殷也綢練設旒夏也○子張之喪公明儀爲
志焉褚幕丹質蟻結于四隅殷士也○子夏問
於孔子曰居父母之仇如之何夫子曰寢苦枕

千不仕弗與共天下也。遇諸市朝不反兵而鬪。
 ○曰：請問居昆弟之仇，如之何？曰：仕弗與共國，
 銜君命而使，雖遇之不鬪。曰：請問居從父昆弟
 之仇，如之何？曰：不為魁，主人能則執兵而陪其
 後。○孔子之喪，二三子皆經而出。羣居則經出，
 則否。○易墓非古也。○子路曰：吾聞諸夫子，喪
 禮與其哀不足而禮有餘也，不若禮不足而哀
 有餘也。祭禮與其敬不足而禮有餘也，不若禮
 不足而敬有餘也。○曾子弔於負夏，主人既祖，
 填池推柩而反之，降婦人而后行。禮從者曰：禮
 與曾子曰：夫祖者且也，且胡為其不可以反宿
 也。○從者又問諸子游，曰：禮與？子游曰：飯於牖
 下，小歛於戶內，大歛於阼，殯於客位，祖於庭，葬
 於墓，所以即遠也。故喪事有進而無退。曾子聞
 之曰：多矣乎！予出祖者。○曾子襲裘而弔，子游
 裼裘而弔。曾子指子游而示人曰：夫夫也為習。

禮一

禮一

禮一

於禮者如之何其禴裘而弔也主人既小歛袒
括髮子游趨而出襲裘帶絰而入曾子曰我過
矣我過矣夫夫是也○子夏既除喪而見子之
琴和之而不和彈之而不成聲作而曰哀未忘
也先王制禮而弗敢過也子張既除喪而見子
之琴和之而和彈之而成聲作而曰先王制禮
不敢不至焉○司寇惠子之喪子游爲之麻衰
牡麻絰文子辭曰子辱與彌牟之弟游文辱爲
之服敢辭子游曰禮也○文子退反哭子游趨
而就諸臣之位文子又辭曰子辱與彌牟之弟
游文辱爲之服又辱臨其喪敢辭子游曰固以
請文子退扶適子南面而立曰子辱與彌牟之
弟游文辱爲之服又辱臨其喪虎也敢不復位
子游趨而就客位○將軍文子之喪既除喪而
后越人來弔主人浚衣練冠待于廟垂涕洟子
游觀之曰將軍文氏之子其庶幾乎亡於禮者

况

禮

禮

禮

之禮也其動也中○幼名冠字五十以伯仲死
諡周道也○經也者實也○掘中雷而浴毀竈
以綴足○及葬毀宗躍行出于大門殷道也學
者行之○子柳之母死子碩請具子柳曰何以
哉子碩曰請粥庶弟之母子柳曰如之何其粥
人之母以葬其母也不可既葬子碩欲以賻布
之餘具祭器子柳曰不可吾聞之也君子不家
於喪請班諸兄弟之貧者○君子曰謀人之軍
師敗則死之謀人之邦邑危則亡之○公叔文
子升於瑕丘蘧伯玉從文子曰樂哉斯丘也死
則我欲葬焉蘧伯玉曰吾子樂之則瑗請前○
弁人有其母死而孺子泣者孔子曰哀則哀矣
而難為繼也夫禮為可傳也為可繼也故哭踊
有節○叔孫武叔之母死既小斂舉者出尸出
戶袒且投其冠括髮子游曰知禮○扶君下人
師扶右射人師扶左君薨以是舉○從母之夫

舅之妻。二夫人相為服。君子未之言也。或曰同
舉總。○喪事欲其縱縱爾。吉事欲其折折爾。故
喪事雖遽不陵節。吉事雖止不怠。故騷騷爾則
野。鼎鼎爾則小人。君子蓋猶猶爾。○喪具君子
恥具一日二日而可為也。者君子弗為也。○喪
服兄弟之子猶子也。蓋引而進之也。嫂叔之無
服也。蓋推而遠之也。姑姊妹之薄也。蓋有受我
而厚之者也。○食於有喪者之側未嘗飽也。○
曾子與客立於門側。其徒趨而出。曾子曰。爾將
何之。曰。吾父死。將出哭於巷。曰。及哭於爾次。曾
子北面而弔焉。○孔子曰。之死而致死之。不仁。
而不可為也。之生而致生之。不知而不可為也。
是故竹不成用。瓦不成味。木不成斲。琴瑟張而
不平。筭筮備而不和。有鐘磬而無簫虯。其曰明
器神明之也。○有子問於曾子曰。問喪於夫子
乎。曰。聞之矣。喪欲速貧。死欲速朽。有子曰。是非

君子之言也。曾子曰：參也聞諸夫子也。有子又曰：是非君子之言也。曾子曰：參也與子游聞之。有子曰：然，然則夫子有爲言之也。曾子以斯言告於子游。子游曰：甚哉有子之言似夫子也。昔者夫子居於宋，見桓司馬，自爲石椁，三年而不成。夫子曰：若是其靡也，死不如速朽之愈也。死之欲速朽，爲桓司馬言之也。○南宮敬叔反，必載審而朝。夫子曰：若是其賁也，喪不如速貧之愈也。喪之欲速貧，爲敬叔言之也。○曾子以子游之言告於有子。有子曰：然，吾固曰非夫子之言也。曾子曰：子何以知之？有子曰：夫子制於中都，四寸之棺，五寸之槨，以斯知不欲速朽也。昔者夫子失魯司寇，將之荊，蓋先之以子夏，又申之以冉有，以斯知不欲速貧也。○陳莊子死，赴於魯。魯人欲勿哭，繆公召縣子而問焉。縣子曰：古之大夫，束脩之間，不出竟。雖欲哭之，安得而

哭之。○今之大夫交政於中國。雖欲勿哭。焉得而弗哭。且臣聞之。哭有二道。有愛而哭之。有畏而哭之。公曰。然。然則如之何。而可。縣子曰。請哭諸異姓之廟。於是與哭諸縣氏。○仲憲言於曾子曰。夏后氏用明器。示民無知也。殷人用祭器。示民有知也。周人兼用之。示民疑也。曾子曰。其不然乎。其不然乎。夫明器。鬼器也。祭器。人器也。夫古之人。胡爲而死其親乎。○公叔木有同母異父之昆弟。死。問於子游子游。曰。其大功乎。狄儀有同母異父之昆弟。死。問於子夏。子夏曰。我未之前聞也。魯人則爲之。齊衰狄儀行。齊衰。今之齊衰。狄儀之問也。○子思之母死於衛。柳若謂子思曰。子聖人之後也。四方於子乎。觀禮子。蓋慎。諸子思曰。吾何慎哉。吾聞之。有其禮。無其財。君子弗行也。有其財。無其時。君子弗行也。吾何慎哉。○縣子瑣曰。吾聞之。古者不降

上下各以其親。滕伯文爲孟虎，齊衰其叔父也。
爲孟皮，齊衰其叔父也。○后木曰：喪，吾聞諸縣
子曰：夫喪不可不深，長思也。買棺外內易我死
則亦然。○曾子曰：尸未設飾，故帷堂。小斂而徹
帷。仲梁子曰：夫婦方亂，故帷堂。小斂而徹帷。○
小斂之奠，子游曰：於東方。曾子曰：於西方。斂斯
席矣。小斂之奠，在西方。魯禮之末失也。○縣子
曰：綌衰總裳，非古也。○子蒲卒，哭者呼滅子臯
曰：若是野哉！哭者改之。○杜橋之母之喪，宮中
無相以爲沾也。○夫子曰：始死，羔裘玄冠者，易
之而已。羔裘玄冠，夫子不以弔。○子游問喪具
夫子曰：稱家之有亡。子游曰：有無惡乎？齊夫子
曰：有毋過禮。苟亡矣，斂首足形，還葬，縣棺而封。
人豈有非之者哉？○司士賁告於子游曰：請襲
於牀。子游曰：諾。縣子聞之曰：汰哉叔氏，專以禮
許人。○宋襄公葬其夫人，醯醢百甕。曾子曰：既

曰明器矣而又實之○孟獻子之喪司徒旅歸
四布夫子曰可也○讀贈曾子曰非古也是再
告也○成子高寢疾慶遺入請曰子之病革矣
如至乎大病則如之何○子高曰吾聞之也生
有益於人死不害於人吾縱生無益於人吾可
以死害於人乎哉我死則擇不食之地而葬我
焉○子夏問諸夫子曰居君之母與妻之喪居
處言語飲食衎爾○賓客至無所館夫子曰生
於我乎館死於我乎殯○國子高曰葬也者藏
也藏也者欲人之弗得見也是故衣足以飾身
棺周於衣槨周於棺土周於槨友壤樹之哉○
孔子之喪有自燕來觀者舍於子夏氏子夏曰
聖人之葬人與人之葬聖人也子何觀焉○昔
者夫子言之曰吾見封之若堂者矣見若坊者
矣見若覆夏屋者矣見若斧者矣從若斧者焉
馬鬣封之謂也今日而三斬板而已封尚行

緣

夫子之志乎哉。○婦人不葛帶。○有薦新如朔。○奠。○既葬各以其服除。○池視重雷。○君即位而為椁歲一漆之藏焉。○復袂齒綴足飯設飾。○帷堂竝作。○父兄命赴者。○君復於小寢大寢。○小祖大祖庫門四郊。○喪不剝奠也。○與祭肉也。○與。○既殯旬而布材與明器。○朝奠日出夕奠。○逮日。○父母之喪哭無時使必知其反也。○練。○練衣黃裏練綠。○葛要經繩履無絢。○角瑱。○鹿裘衡長祛祛裼之可也。○有殯聞遠兄弟之喪雖總必往非兄弟雖鄰不往。○所識其兄弟不同居者皆弔。○天子之棺四重水兕革棺被之其厚三寸地棺一梓棺一四者皆周。○棺束縮二衡三衽每束一。○柏椁以端長六尺。○天子之哭諸侯也爵弁經紵衣。○或曰使有司哭之。○為之不以樂食。○天子之殯也鼓塗龍蠡以椁加斧于椁上畢塗屋天子之禮也。○唯天

子之喪有別姓而哭。○魯哀公誅孔丘曰：天不遺者，老莫相予位焉。嗚呼哀哉尼父。○國亡大縣，邑公、卿、大夫、士皆厭冠哭於大廟三日。君不舉，或曰：君舉而哭於后土。○孔子惡野哭者。○未仕者不敢稅人，如稅人則以父兄之命。○士備入而后朝夕踊。○祥而縞，是月禫，徙月樂。○君於士有賜，幣音亦

檀弓下第四

君之適，長殯車三乘，公之庶，長殯車一乘，大夫之適，長殯車一乘。○公之喪，諸達官之長杖。○君於大夫將葬，弔於宮，及出命引之，三步則止。如是者，三君退朝亦如之，哀次亦如之。○五十無車者不越疆而弔人。○季武子寢疾，疇固不說齊衰而入，見曰：斯道也將亡矣。士唯公門說齊衰，武子曰：不亦善乎？君子表微及其喪也，曾點倚其門而歌。○大夫弔，當事而至則辭焉，弔

於人。是日不樂。婦人不越疆而弔。人行弔之日。不飲酒食肉焉。○弔於葬者必執引。若從柩及壙皆執紼。○魯公用弔之必有拜者。雖朋友州里舍人可也。弔曰寡君承事主人曰臨。○君遇柩於路必使人弔之。○大夫之喪。庶子不受弔。○妻之昆弟為父後者死哭之。適室子為主。祖免哭踊。夫入門右使人立於門外。告來者狎則入。哭父在哭於妻之室。非為父後者哭諸異室。○有殯聞遠兄弟之喪。哭于側室。無側室哭于門內之右。同國則往哭之。○子張死。曾子有母之喪。齊衰而往哭之。或曰齊衰不以弔。曾子曰我弔也與哉。○有若之喪。悼公弔焉。子游擯由左。○齊穀王姬之喪。魯莊公為之大功。或曰由魯嫁故為之服。姊妹之服。或曰外祖母也。故為之服。○晉獻公之喪。秦穆公使人弔。公子重耳且曰寡人聞之。亡國恒於斯。得國恒於斯。雖吾子

儼然在憂服之中喪亦不可久也時亦不可失也孺子其圖之○以告舅犯舅犯曰孺子其辭焉○人無寶仁親以為寶父死之謂何又因以為利而天下其孰能說之孺子其辭焉○公季重耳對客曰君惠弔亡臣重耳身容父死不得與於哭泣之哀以為君憂父死之謂何或敢有他志以辱君義稽顙而不拜哭而起起而不私

○子顯以致命於穆公穆公曰仁夫公季重耳

夫稽顙而不拜則未為後也故不成拜哭而起

則愛父也起而不私則遠利也○惟殯非古也

自敬姜之哭穆伯始也○喪禮哀戚之至也節

哀順變也君子念始之者也○復盡愛之道也

有禱祠之心焉望及諸幽求諸鬼神之道也北

面求諸幽之義也○拜稽顙哀戚之至隱也稽

顙隱之甚也○飯用米貝弗忍虛也不以食道

用美焉爾○銘明旌也以死者為不可別已故

而

以其旗識之愛之斯錄之矣敬之斯盡其道焉
耳○重主道也殷主綴重焉周主重徹焉○奠
以素器以生者有哀素之心也唯祭祀之禮主
人自盡焉爾豈知神之所饗亦以主人有齊敬
之心也○辟踊哀之至也有算為之節文也○
袒括髮變也溫哀之變也去飾去美也袒括髮
去飾之甚也有所祖有所襲哀之節也○弁經
葛而葬與神交之道也有敬心為周人弁而葬
殷人冔而葬○歆主人主婦室老為其親也君
命食之也○反哭升堂爰諸其所作也主婦入
于室爰諸其所養也○反哭之用也哀之至也
反而亡焉失之矣於是為甚○殷既封而弔周
反哭而弔孔子曰殷已惡音從周○葬於北方
北首二代之違禮也之幽之故也○既封主人
贈而祝宿虞尸○既反哭主人與有司視虞牲
有司以几筵會奠於墓左反日中而虞○葬日

禮記

卷之

行及

虞弗忍一日離也○是日也以虞易奠卒哭曰
成事○是日也以吉祭易啜祭明日祔于祖父
○其變而之吉祭也比至於祔必於是日也接
不忍一日未有所歸也○殷練而祔周卒哭而
祔孔子善殷○君臨臣啜以巫祝桃荔執戈惡
之也所以異於生也喪有死之道焉先王之所
難言也○啜之朝也順死者之孝心也其哀離
其室也故至於祖考之廟而后行殷朝而殯於
祖周朝而遂葬○孔子謂為明器者知啜道矣
備物而不可用也○哀哉死者而用生者之器
也不殆於用殉乎哉○其曰明器神明之也塗
車芻靈自古有之明器之道也孔子謂為芻靈
者善謂為備者不仁不殆於用人乎哉○穆公
問於子思曰為舊君及服古與子思曰古之君
子進人以禮退人以禮故有舊君及服之禮也
今之君子進人若將加諸膝退人若將隊諸淵

母為戎首不亦善乎。又何反服之禮之有。○悼
公之喪。季昭子問於孟敬子曰。為君何食。敬子
曰。食粥。天下之達禮也。○吾三臣者之不能居
公室也。四方莫不聞矣。勉而為瘠。則吾能。母乃
使人疑夫。不以情居瘠者乎。哉。我則食食。○衛
司徒敬子死。子夏弔焉。為主人。未小歛。經而往。子
游弔焉。主人既小歛。子游出。經反。哭。子夏曰。聞
之也。與。曰。聞諸夫子。主人未改服。則不經。○曾
子曰。晏子可謂知禮也。已。恭敬之有為。有若曰。
晏子一狐裘三十年。遣車一乘。及墓而反。○國
君七箇。遣車七乘。大夫五箇。遣車五乘。晏子為
知禮。○曾子曰。國無道。君子恥盈禮焉。國奢則
示之以儉。國儉則示之以禮。○國昭子之母死。
問於子張曰。葬及墓。男子婦人安位。子張曰。司
徒敬子之喪。夫子相。男子西鄉。婦人東鄉。○曰。
噫。母曰我喪也。斯沾爾。專之賓。為賓。為主。為主。

焉婦人從男子皆西鄉○穆伯之喪敬姜書哭
文伯之喪書夜哭孔子曰知禮矣○文伯之喪
敬姜據其牀而不哭曰昔者吾有斯子也吾以
將為賢人也吾未嘗以就公室今及其死也朋
友諸臣未有出涕者而內人皆行哭失聲斯子
也必多曠於禮矣夫○季康子之母死陳襲衣
敬姜曰婦人不飾不敢見舅姑將有四方之賓
來襲衣何為陳於斯命徹之○有子與子游立
見孺子慕者有子謂子游曰予壹不知夫喪之
踊也予欲去之久矣情在於斯其是也夫○子
游曰禮有微情者有以故與物者有直情而徑
行者戎狄之道也禮道則不然○人喜則斯陶
陶斯咏咏斯猶猶斯舞舞斯愠愠斯戚戚斯歎
歎斯辟辟斯踊矣品節斯斯之謂禮○人死斯
惡之矣無能也斯倍之矣是故制絞衾設妻妾
為使人勿惡也○始死脯醢之奠將行遣而行

之既葬而食之未有見其饗之者也自上世以
來未之有舍也為使人勿倍也故子之所刺於
禮者亦非禮之訾也○吳侵陳斬祀殺厲師還
出竟陳大宰嚭使於師夫差謂行人儀曰是夫
也多言盍嘗問為師必有名人之稱斯師也者
則謂之何○大宰嚭曰古之侵伐者不斬祀不
殺厲不獲二毛今斯師也殺厲與其不謂之殺
厲之師與曰及爾地歸爾子則謂之何曰君王
討敝邑之罪又矜而赦之師與有無名乎○顏
丁善居喪始死皇皇為如有求而弗得及殯望
望焉如有從而弗及既葬慨焉如其及而
息○子張問曰書云高宗三年不言言乃讙有
諸仲尼曰胡為其不然也古者天子崩王世子
聽於冢宰三年○知悼子卒未葬平公飲酒師
曠李調侍鼓鐘杜蕢自外來聞鐘聲曰安在曰
在寢杜蕢入寢歷階而升酌曰曠飲斯又酌曰

之喪

調飲斯又酌堂上北面坐飲之降趨而出○平
 公呼而進之曰實曩者爾心或開予是以不與
 爾言爾飲曠何也曰子非不樂知悼子在堂斯
 其為子非也大矣曠也太師也不以詔是以飲
 之也○爾飲調何也曰調也君之薨臣也為一
 飲一食忘君之疾是以飲之也○爾飲何也曰
 實也宰夫也非刀匕是共又敢與知防是以飲
 之也○平公曰寡人亦有過焉酌而飲寡人杜
 蕢洗而揚觶公謂侍者曰如我死則必毋廢斯
 爵也至于今既畢獻斯揚觶謂之杜舉○公叔
 文子卒其子戍請謚於君曰日月有時將葬矣
 請所以易其名者○君曰昔者衛國凶饑夫子
 為粥與國之餓者是不亦惠乎昔者衛國有難
 夫子以其死衛寡人不亦貞乎夫子聽衛國之
 政脩其班制以與四鄰交衛國之社稷不辱不
 亦文乎故謂夫子貞惠文子○石駘仲卒無適

子有庶子六人。所以爲後者曰沐浴佩玉則
兆。五人者皆沐浴佩玉石。祁子曰孰有執親之
喪而沐浴佩玉者乎。不沐浴佩玉石祁子兆衛
人以龜爲有知也。○陳子車死於衛其妻與其
家大夫謀以殉葬。定而后陳子亢至以告曰夫
子疾莫養於下請以殉葬。○子亢曰以殉葬非
禮也。雖狀則彼疾當養者孰若妻與宰得已則
吾欲已不得已則吾欲以一手者之爲之也。於
是弗果用。○子路曰傷哉貧也。生無以爲養死
無以爲禮也。孔子曰啜菽飲水盡其歡斯之謂
孝。歛首足形還葬而無槨稱其財斯之謂禮。○
衛獻公出奔及於衛及郊將班邑於從者而后
入。柳莊曰如皆守社稷則孰執羈勒而從如皆
從則孰守社稷君反其國而有私也。母乃不可
乎。弗果班。○衛有大史曰柳莊寢疾公曰若疾
革雖當祭必告。公再拜稽首請於尸曰有臣柳

莊也者非寡人之臣社稷之臣也聞之死請往
不釋服而往遂以椁之與之邑裘氏與縣潘氏
書而納諸棺曰世世萬子孫毋變也○陳乾昔
寢疾屬其兄弟而命其子尊已曰如我死則必
大為我棺使吾一婢子夾我陳乾昔死其子曰
以殉葬非禮也況又同棺乎弗果殺○仲遂卒
于垂壬午猶繹萬入去籥仲尼曰非禮也卿卒
不繹○季康子之母死公輸若方小歛般請以
機封將從之公肩假曰不可夫魯有初○公室
視豐碑三家視桓楹○般爾以人之母嘗巧則
豈不得以其母以嘗巧者乎則病者乎噫弗果
從○戰于郎公叔禺人遇負杖入保者息曰使
之雖病也任之雖重也君子不能為謀也士弗
能死也不可我則既言矣與其鄰重汪錡往皆
死焉魯人欲勿殤重汪錡問於仲尼仲尼曰能
執干戈以衛社稷雖欲勿殤也不亦可乎○子

路去魯謂顏淵曰何以贈我曰吾聞之也去國則哭于墓而后行及其國不哭展墓而入謂子路曰何以處我子路曰吾聞之也過墓則式過祀則下○工尹商陽與陳弃疾追吳師及之陳弃疾謂工尹商陽曰王事也子手弓而可手弓子射諸射之斃一人韋弓又及謂之又斃二人每斃一人拚其目止其御曰朝不坐燕不與殺三人亦足以反命矣孔子曰殺人之中又有禮焉○諸侯伐秦曹桓公卒于會諸侯請舍使之襲○襄公朝于荆康王卒荆人曰必請襲魯曰非禮也荆人強之巫先拂柩荆人悔之○滕成公之喪使子叔敬叔弔進書于服惠伯為介及郊為懿伯之忌不入惠伯曰政也不可以叔父之私不將公事遂入○哀公使人弔蕢尚遇諸道辟於路畫宮而受弔焉○曾子曰蕢尚不如杞梁之妻之知禮也齊莊公襲莒于獲杞梁

如杞梁之妻之知禮也齊莊公襲莒于獲杞梁

死焉其妻迎其柩於路而哭之哀○莊公使人
 弔之對曰君之臣不免於罪則將肆諸市朝而
 妻妾執君之臣免於罪則有先人之敝廬在君
 無所辱命○孺子鞠之喪哀公欲設撥問於有
 若者若曰其可也君之三臣猶設之顏柳曰天
 子龍輻而椁幃諸侯輻而設幃為榆沈故設撥
 三臣者廢輻而設撥竊禮之不中者也而君何
 學焉○悼公之母死哀公為之齊衰有若曰為
 妾齊衰禮與公曰吾得已乎哉魯人以妻我○
 季子臯葬其妻犯人之禾申祥以告曰請庚之
 子臯曰孟氏不以是罪予朋友不以是棄予以
 吾為邑長於斯也實道而葬後難繼也○仕而
 未有祿者君有饋焉曰獻使焉曰寡君違而君
 薨弗為服也○虞而立尸有几筵○卒哭而諱
 生事畢而鬼事始已○既卒哭宰夫執木鐸以
 命于宮曰舍故而諱新自寢門至于庫門○二

禮

禮

名不偏諱。夫子之母，名徵在。言在不稱，徵言徵不稱在。○軍有憂，則素服哭于庫門之外，赴車不載，橐囊韋。○有焚其先人之室，則三日哭。故曰：新宮火，亦三日哭。○孔子過泰山側，有婦人哭於墓者而哀。夫子式而聽之，使子路問之，曰：子之哭也，豈似重有憂者而曰然者？昔者吾舅死於虎，吾夫又死焉，今吾子又死焉。夫子曰：何為不去也？曰：無苛政。夫子曰：小子識之，苛政猛於虎也。○魯人有周豐也者，哀公執摯，請見之，而曰：不可。公曰：我其已夫。使人問焉，曰：有虞氏未施信於民而民信之，夏后氏未施敬於民而民敬之，何施而得斯於民也？對曰：墟墓之間，未施哀於民而民哀，社稷宗廟之中，未施敬於民而民敬，殷人作誓而民始畔，周人作會而民始疑，苟無禮義，忠信誠懇之心，以涖之，雖固結之民，其不解乎？○喪不慮居毀，不危身，喪不慮居為。

廟也毀不危身為無後也○延陵季子適齊於
 其反也其長子死葬於贏博之間孔子曰延陵
 季子吳之習於禮者也往而觀其葬焉○其坎
 深不至於泉其斂以時服既葬而封廣輪揅坎
 其高可隱也既封左祖右還其封且號者三曰
 骨肉歸復于土命也若魂氣則無不之也無不
 之也而遂行孔子曰延陵季子之於禮也其合
 矣乎○邾婁考公之喪徐君使容居來弔含曰
 寡君使容居坐含進侯玉其使容居以含○有
 司曰諸侯之來辱敝邑者易則易于則于易于
 雜者未之有也○容居對曰容居聞之事君不
 敢忘其君亦不敢遺其祖昔我先君駒王西討
 濟於河無所不用斯言也容居魯人也不敢忘
 其祖○子思之母死於衛赴於子思子思哭於
 廟門人至曰庶民之母死何為哭於孔氏之廟
 乎子思曰吾過矣吾過矣遂哭於他室○天子

禮一

五九

行及

崩三日祝先服五日官長服七日國中男女服

三月天下服○虞人致百祀之木可以為棺槨

者斬之不至者廢其祀勿其人○齊大饑黔敖

為食於路以待餓者而食之有餓者蒙袂輯屨

貿貿然來黔敖左奉食右執飲曰嗟來食揚其

目而視之曰予唯不食嗟來之食以至於斯也

從而謝焉終不食而死曾子聞之曰微與其嗟

也可去其謝也可食○邾婁定公之時有弑其

父者有司以告公瞿然失席曰是寡人之罪也

曰寡人嘗學斷斯獄矣臣弑君凡在官者殺無

赦子弑父凡在官者殺無赦殺其人壞其室洿

其宮而瀦焉蓋君踰月而后舉爵○晉獻文子

成室晉大夫發焉張老曰美哉輪焉美哉奐焉

歌於斯哭於斯聚國族於斯文子曰武也得歌

於斯哭於斯聚國族於斯是全要領以從先大

夫於九京也北面再拜稽首君子謂之善頌善

禱○仲尼之畜狗死使子貢埋之曰吾聞之也
敝帷不棄為埋馬也敝蓋不棄為埋狗也丘也
貧無蓋於其封也亦予之席毋使其首陷焉○
路馬死埋之以帷○季孫之母死哀公弔焉曾
子與子貢弔焉闈人為君在弗內也曾子與子
貢入於其廄而脩容焉子貢先入闈人曰鄉者
已告矣曾子後入闈人辟之○涉內雷卿大夫
皆辟位公降一等而揖之君子言之曰盡飾之
道斯其行者遠矣○陽門之介夫死司城子罕
入而哭之哀晉人之規宋者反報於晉侯曰陽
門之介夫死而子罕哭之哀而民說殆不可伐
也○孔子聞之曰善哉規國乎詩云凡民有喪
扶服救之雖微晉而已天下其孰能當之○魯
莊公之喪既葬而經不入庫門士大夫既卒哭
麻不入○孔子之故人曰原壤其母死夫子助
之沐槨原壤登木曰久矣予之不託於音也歌

曰狸首之斑然執女手之卷然夫子為弗聞也
者而過之從者曰子未可以已乎夫子曰丘聞
之親者毋失其為親也故者毋失其為故也○
趙文子與叔譽觀乎九原文子曰死者如可作
也吾誰與歸○叔譽曰其陽處父乎文子曰行
并植於晉國不沒其身其知不可足稱也○其
舅犯乎文子曰見利不顧其君其仁不足稱也
○我則隨武子乎利其君不忘其身謀其身不
遺其友晉人謂文子知人○文子其中退然如
不勝衣其言呐呐然如不出諸其口○所舉於
晉國管庫之士七十有餘家生不交利死不屬
其子焉○叔仲皮學于柳叔仲皮死其妻魯人
也衣衰而繆經叔仲衍以告請繆衰而環經曰
昔者吾啜姑姊妹亦如斯末吾禁也退使其妻
繆衰而環經○成人有其兄死而不為衰者聞
子臯將為成宰遂為衰成人曰蠶則績而蟹有

匡ハナハス范ハナハス則レ冠カ而シ蟬ハ有リ綏カ兄ス則レ死ス而シ子シ臯カ為ス之レ衰ス○
樂カ正カ子カ春カ之レ母カ死ス五ニ日ニ而シ不レ食ス曰ク吾レ悔ム之レ自レ吾レ
母ニ而シ不レ得ス吾レ情ヲ吾レ惡ム乎カ用シ其レ情ヲ○歲ニ旱シ穆カ公召
縣子而レ問フ然レ曰ク天久不レ雨ス吾レ欲シ暴ス庭ニ而シ奚カ若ク○
曰ク天則不レ雨ス而シ暴ス人之疾ヲ子虐母乃不レ可レ與○
然レ則レ吾レ欲シ暴ス巫ニ而シ奚カ若ク○曰ク天則不レ雨ス而シ望シ之レ
愚婦人於以テ求テ之レ母乃已レ疏乎○徙市則レ奚カ若ク○
曰ク天子崩巷市七日諸侯薨巷市三日為之徙○
市不亦可乎○孔子曰衛人之祔也離之魯人
之祔也合之善夫

王制第五

王者之制祿爵公侯伯子男凡五等○諸侯之上大夫卿下大夫上士中士下士凡五等○天
子之田方千里公侯田方百里伯七十里子男
五十里不能五十里者不合於天子附於諸侯
曰附庸○天子之三公之田視公侯天子之卿

視伯天子之大夫視子男天子之元士視附庸
○制農田百畝百畝之分上農夫食九人其次
食八人其次食七人其次食六人下農夫食五
人庶人在官者其祿以是爲差也○諸侯之下
士視上農夫祿足以代其耕也中士倍下士上
士倍中士下大夫倍上士卿四大夫祿君十卿
祿○次國之卿二大夫祿君十卿祿小國之卿
倍大夫祿君十卿祿○次國之上卿位當大國
之中中當其下下當其上大夫小國之上卿位
當大國之下卿中當其上大夫下當其下大夫
○其有中士下士者數各居其上之三分○凡
四海之內九州州方千里州建百里之國三十
七十里之國六十五十里之國百有二十凡二
百一十國名山大澤不以封其餘以爲附庸間
田八州州二百一十國○天子之縣內方百里
之國九七十里之國二十有一五十里之國六

十有三凡九十三國。名山大澤不以盼其餘。以
祿士以爲間田。○凡九州千七百七十三國。天
子之元士諸侯之附庸不與。○天子百里之內
以共官千里之內以爲御。○千里之外設方伯
五國以爲屬屬有長十國以爲連連有帥三十
國以爲卒卒有正二百一十國以爲州州有伯
八州八伯五十六正百六十八帥三百三十六
長八伯各以其屬屬於天子之老二人分天下
以爲左右曰二伯。○千里之內曰甸千里之外
曰采曰流。○天子三公九卿二十七大夫八十
一元士。○大國三卿皆命於天子下大夫五人
上士二十七人次國三卿二卿命於天子一卿
命於其君下大夫五人上士二十七人小國二
卿皆命於其君下大夫五人上士二十七人。○
天子使其大夫爲三監監於方伯之國國三人
○天子之縣內諸侯祿也外諸侯嗣也。○制三

公一命卷若有加則賜也不過九命○次國之君不過七命小國之君不過五命大國之卿不過三命下卿再命小國之卿與下大夫一命○凡官民材必先論之論辨然後使之任事然後爵之位定然後祿之爵人於朝與士共之刑人於市與衆棄之○是故公家不畜刑人大夫弗養士遇之塗弗與言也屏之四方唯其所之不及以政示弗故生也○諸侯之於天子也此年一小聘三年一大聘五年一朝○天子五年一巡守○歲二月東巡守至于岱宗柴而望祀山川覲諸侯問百年者就見之○命大師陳詩以觀民風命市納賈以觀民之所好惡志淫好辟○命典禮考時月定日同律禮樂制度衣服正之○山川神祇有不舉者為不敬不敬者君削以地○宗廟有不順者為不孝不孝者君劓以爵○變禮易樂者為不從不從者君流革制度

衣服者為辟。辟者君討。○有功德於民者，加地進律。○五月南巡守，至于南嶽，如東巡守之禮。八月西巡守，至于西嶽，如南巡守之禮。十有一月北巡守，至于北嶽，如西巡守之禮。歸假于祖，禘用特。○天子將出，類乎上帝，宜乎社，造乎禘。諸侯將出，宜乎社，造乎禘。○天子無事，與諸侯相見曰朝。考禮正刑，一德以尊于天子。○天子賜諸侯樂，則以祝，將之賜，伯子男樂，則以鼗。將之。○諸侯賜弓矢，然後征，賜鈇鉞，然後殺。○賜圭瓚，然後為鬯。未賜圭瓚，則資鬯於天子。○天子命之教，然後為學。小學在公宮南之左，大學在郊。天子曰辟雍，諸侯曰類宮。○天子將出征，類乎上帝，宜乎社，造乎禘，禘於所征之地，受命於祖，受成於學。○出征，執有罪，及釋奠于學，以訊馘告。○天子諸侯無事，則歲三田：一為乾豆，二為賓客，三為充君之庖。○無事而不田，曰不

敬田不以禮曰暴天物天子不合圍諸侯不掩
羣○天子殺則下大綏諸侯殺則下小綏大夫
殺則止佐車佐車止則百姓田獵○獺祭魚然
後虞人入澤梁豺祭獸然後田獾鳩化為鷹然
後設罝羅罝木零落然後入山林昆蟲未蟄不
以火田不麝不卵不殺胎不死夭不覆巢○冢
宰制國用必於歲之杪五穀皆入然後制國用
用地小大視年之豐耗以三十年之通制國用
量入以為出○祭用數之仞○密三年不祭唯
祭天地社稷為越紼而行事喪用三年之仞○
喪祭用不足曰暴有餘曰浩祭豐年不奢凶年
不儉○國無九年之蓄曰不足無六年之蓄曰
急無三年之蓄曰國非其國也三年耕必有一
年之食九年耕必有三年之食以三十年之通
雖有凶旱水溢民無菜色然後天子食日舉以
樂○天子七日而殯七月而葬諸侯五日而殯

五月而葬大夫士庶人三日而殯三月而葬二年之喪自天子達○庶人縣封葬不為兩止不封不樹喪不貳事○自天子達於庶人喪從死者祭從生者○支子不祭○天子七廟三昭三穆與大祖之廟而七諸侯五廟二昭二穆與大祖之廟而五大夫三廟一昭一穆與大祖之廟而三士一廟庶人祭於寢○天子諸侯宗廟之祭春曰禘夏曰禘秋曰嘗冬曰烝○天子祭天地諸侯祭社稷大夫祭五祀天子祭天下名山大川五嶽視三公四瀆視諸侯諸侯祭名山大川之在其地者天子諸侯祭因國之在其地而無主後者○天子植芻稌禘禘禘嘗禘烝○諸侯芻則不禘禘則不嘗嘗則不烝烝則不芻○諸侯植芻一植一稌嘗禘烝禘○天子社稷皆大牢諸侯社稷皆少牢大夫士宗廟之祭有田則祭無田則薦庶人春薦韭夏薦麥秋薦黍冬

薦稻韭以卵麥以魚黍以豚稻以鴈○祭天地
之牛角繭栗宗廟之牛角握賓客之牛角尺○
諸侯無故不殺牛大夫無故不殺羊士無故不
殺犬豕庶人無故不食珍○庶羞不踰牲燕衣
不踰祭服寢不踰廟○大夫祭器不假祭器未
成不造燕器○古者公田籍而不稅○市廛而
不稅○關譏而不征○林麓川澤以時入而不
禁○夫圭田無征○用民之力歲不過三日○

田里不粥墓地不請○司空執度度地居良山
川沮澤時四時量地遠近興事任力○凡使民
任老者之事食壯者之食○凡居民材必因天
地寒燠燥濕廣谷大川異制民生其間者異俗
剛柔輕重遲速異齊五味異和器械異制衣服
異宜脩其教不易其俗齊其政不易其宜○中
國戎夷五方之民皆有性也不可推移○東方
曰夷被髮文身有不火食者矣南方曰蠻雕題

六禮七教八
政見王制之
終

交趾有不火食者矣西方曰戎被髮衣皮有不
粒食者矣北方曰狄衣羽毛穴居有不粒食者
矣○中國夷蠻戎狄皆有安居和味宜服利用
備器○五方之民言語不通嗜欲不同達其志
通其欲東方曰寄南方曰象西方曰狄鞮北方
曰譯○凡居民量地以制邑度地以居民地邑
民居必參相得也○無曠土無游民食節事時
民咸安其居樂事勸功尊君親上然後興學○

司徒脩六禮以節民性明七教以興民德齊八
政以防民淫一道德以同俗養耆老以致孝恤
孤獨以逮不足上賢以崇德簡不肖以紂惡○
命鄉簡不帥教者以告耆老皆朝于庠元日習
射上功習鄉上齒大司徒帥國之俊士與執事
焉○不變命國之右鄉簡不帥教者移之左命
國之左鄉簡不帥教者移之右如初禮○不變
移之郊如初禮不變移之遂如初禮不變屏之

遠方終身不齒。○命鄉論秀士，升之司徒曰選士。司徒論選士之秀者而升之，學曰俊士。○升於司徒者，不征於鄉。升於學者，不征於司徒。曰造士。○樂正崇四術，立四教，順先王詩書禮樂以造士。春秋教以禮樂，冬夏教以詩書。○王大子、王子、羣后之太子、卿大夫元士之適子，國之俊選，皆造焉。凡入學以齒。○將出學，小胥大胥小樂正簡不帥教者以告于大樂正。大樂正以告于王。王命三公九卿大夫元士皆入學，不變。王親視學，不變。王三日不舉，屏之遠方。西方曰棘，東方曰寄。終身不齒。○大樂正論造士之秀者以告于王，而升諸司馬。曰進士。○司馬辨論官材，論進士之賢者以告于王，而定其論。論定然後官之，任官然後爵之位定，然後祿之。○大夫廢其事，終身不仕，死以士禮葬之。○有發則命大司徒教士以車甲。○凡執技論力適四方

羸股肱決射御○凡執技以事上者祝史射御

醫卜及百工凡執技以事上者不貳事不移官

出鄉不與士齒仕於家者出鄉不與士齒○司

寇正刑明辟以聽獄訟必三刺有旨無簡不聽

附從輕赦從重○凡制五刑必即天論郵罰麗

於事○凡聽五刑之訟必原父子之親立君臣

之義以權之意論輕重之序慎測淺深之量以

別之悉其聰明致其忠愛以盡之疑獄汜與衆

共之衆疑赦之必察小大之比以成之○成獄

辭史以獄成告於正正聽之正以獄成告于大

司寇大司寇聽之棘木之下大司寇以獄之成

告於王王命三公參聽之三公以獄之成告於

王王三又然後制刑○凡作刑罰輕無赦○刑

者例也例者成也一成而不可變故君子盡心

焉○折言破律亂名改作執左道以亂政殺○

作淫聲畢服奇枝奇器以疑衆殺行偽而堅言

偽而辯學非而博順非而澤以疑衆殺假於鬼神時日卜筮以疑衆殺此四誅者不以聽○凡執禁以齊衆不赦過○有玉璧金璋不粥於市命服命車不粥於市宗廟之器不粥於市犧牲不粥於市戎器不粥於市○用器不中度不粥於市兵車不中度不粥於市布帛精麤不中數幅廣狹不中量不粥於市菴色亂正色不粥於市○錦文珠玉成器不粥於市衣服飲食不粥於市○五穀不時果實未熟不粥於市木不中伐不粥於市禽獸魚鼈不中殺不粥於市○關執禁以譏禁異服識異言○大史典禮執簡記奏諱惡天子齊戒受諫○司會以歲之成質於天子冢宰齊戒受質○大樂正大司寇市三官以其成從質於天子大司徒大司馬大司空齊戒受質○百官各以其成質於三官大司徒大司馬大司空以百官之成質於天子百官齊戒

受質然後休老勞農成歲事制國用○凡養老

○有虞氏以燕禮○夏后氏以饗禮○殷人以

食禮○周人脩而兼用之○五十養於鄉六十

養於國七十養於學達於諸侯○八十拜君命

一坐再至聲亦如之九十使人受○五十具養

六十宿肉七十貳膳八十常珍九十飲食不離

寢膳飲從於遊可也○六十歲制七十時制八

十月制九十日修唯絞給衾冒死而后制○五

十始衰六十非肉不飽七十非帛不煖八十非

人不煖九十雖得人不煖矣五十杖於家六十

杖於鄉七十杖於國八十杖於朝九十者天子

欲有問焉則就其室以珍從○七十不俟朝八

十月告存九十日有秩○五十不從力政六十

不與服戎七十不與賓客之事八十齊喪之事

弗及也○五十而爵六十不親學七十致政唯

衰麻為喪○有虞氏養國老於上庠養庶老於

下庠○夏后氏養國老於東序養庶老於西序
○殷人養國老於右學養庶老於左學○周人
養國老於東膠養庶老於虞庠虞庠在國之西
郊○有虞氏皇而祭澣衣而養老○夏后氏收
而祭燕衣而養老○殷人冔而祭縞衣而養老
○周人冕而祭玄衣而養老○凡三王養老皆
引年○八十者一子不從政九十者其家不從
政廢疾非人不養者一人不從政父母之喪三

年不從政齊衰大功之喪三月不從政將徙於
諸侯三月不從政自諸侯來徙家期不從政○
少而無父者謂之孤老而無子者謂之獨老而
無妻者謂之矜老而無夫者謂之寡此四者天
民之窮而無告者也皆有常餼○瘖聾跛躄
者侏儒百工各以其器食之○道路男子由右
婦人由左車從中央○父之齒隨行兄之齒
行朋友不相踰○輕任并重任分班白者不提

擊○君子耆老不徒行庶人耆老不徒食○方
一里者為田九百畝○方十里者為方一里者
百為田九萬畝方百里者為方十里者百為田
九十億畝○方千里者為方百里者百為田九
萬億畝○自恆山至於南河千里而近自南河
至於江千里而近自江至於衡山千里而遙自
東河至於東海千里而遙自東河至於西河千
里而近自西河至於流沙千里而遙西不盡流
沙南不盡衡山東不盡東海北不盡恆山○凡
四海之內斷長補短方二千里為田八十萬億
一萬億畝方百里者為田九十億畝山陵林麓
川澤溝瀆城郭宮室塗巷三分去一其餘六十
億畝○古者以周尺八尺為步今以周尺六尺
四寸為步古者百畝當今東田百四十六畝三
十步古者百里當今百二十一里六十步四尺
二寸二分○方千里者為方百里者百○封方

百里者二十國其餘方百里者七十○又封方
七十里者六十為方百里者二十九方十里者
四十○其餘方百里者四方十里者六十又
封方五十里者百二十為方百里者二十其餘
方百里者十方十里者六十○名山大澤不以
封其餘以為附庸間田諸侯之有功者取於間
田以祿之其有削地者歸之間田○天子之縣
內方千里者為方百里者百封方百里者九○

其餘方百里者九十一又封方七十里者二十
一為方百里者十方十里者二十九○其餘方
百里者八十方十里者七十一又封方五十里
者六十二為方百里者十五方十里者七十五
○其餘方百里者六四方十里者九十六○
諸侯之下士祿食九人中士食十八人上士食
三十六人下大夫食七十二人卿食二百八十
八人君食二千八百八十人○次國之卿食二

教

百一十六人君食二千一百六十人。○小國之
卿食百四十四人君食千四百四十人。○大國
之卿命於其君者如小國之卿。○天子之大夫
為三監監於諸侯之國者其祿視諸侯之卿其
爵視次國之君其祿取之於方伯之地。○方伯
為朝天子皆有湯沐之邑於天子之縣內視元
士。○諸侯世子世國大夫不世爵使以德爵以
功未賜爵視天子之元士以君其國諸侯之大
夫不世爵祿。○六禮冠昏饗祭鄉相見。○七教
父子兄弟夫婦君臣長幼朋友賓客八政飲食
衣服事為異別度量數劑

禮記卷之一終

畢

禮

禮記

